

容齋詩集

容叅詩集卷二十三

綿上茹綸常文靜

杖鄉集

昔嘗謂友人曰六十後當杜門却埽不親慶
弔以家事付兒子輩歲之癸丑余年杖鄉矣
雖不能盡如往約而以前歲傷足之故每艱
步履終於簡出是杖鄉仍杖家也藉以編詩
幾爲虛語

上元前二日雪中卧病書懷

漫空飛絮晝冥冥料峭寒增酒半醒
明鏡撚來鬚

盡白疎梅看處眼還青養病偶讀潛夫論守辱常
思老子經却是試燈風景好笙歌愁向枕邊聽

送彭孝廉春闈北上

離筵樽酒未能同隨計知君馬首東明日試看汾
水上鞭絲猶裊落燈風

春郊

山色逢初霽春風祓禊晨草侵金谷路花隱玉樓
人轉樹鳴鶯巧營巢語燕新酒帘行處有莫憚往
來頻

清明後四日雨中碧桃初放口占遣興

輕烟漠漠雨絲絲又是清明花落時
莫倚春風重惆悵碧桃纔放兩三枝

又

邨邨飄蕩綠楊絲愛咏元都觀裏詩
却笑千株與萬樹雨中留得一枝枝

戲簡素堂用前韻

時君姬侍皆在京邸

一榻茶烟裊鬢絲

君寄余詩云自笑年來鬢有絲

春風簾幙燕來

時應知賞雨停杯處最憶桃枝與柳枝

哭克陳四弟

老眼年來淚未乾那堪同氣又凋殘
闕牆兄弟增

余愧

時羣從中
有不逞者

脫屣妻孥似爾難花萼樓中風料

峭鶴令原上雨關珊傷心春艸池塘句幾度西窗
不忍看

土花十四韻

得鮮字

地僻人過少相看亦自妍名邀花品目質藉土綿
延斷碣荒邱外頽垣廢寺邊菊荒元亮宅瓜老邵
平田古木常依傍仄危橋屢接連園林分蚓壤堦
砌逐蝸涎燕壘泥頻沈蛛絲網獨懸喜無蜂獵採
難得蝶翩跹蝕雨痕留暈凝塵色就薦不根仍不
蒂經歲復經年舊未獲拈來笑聊從踏處憐違喧

還漠漠習靜只茈茈舊蹟愁重續閒吟思暗牽何
如朱邸客但愛綠蕪鮮

簡素心詩社諸子

藝苑憑誰足楷模翻慚牽率到潛夫他山固自能
攻玉老馬何嘗定識途虛受直教懷若谷多師還
藉古爲徒別裁僞體親風雅杜句敢爲諸君舉一隅

伏日卽事 得升字

淫雨金初伏炎風暑漸升藕花紅灩灩苔蘚碧層
層扶杖時看竹拏舟憶採菱閒庭頻到燕廣坐遽
來蠅洗硯承簷溜臨池寄刻藤詩宗長慶集畫愛

巨然僧說劍心猶壯拋書老未能交情無二仲禪
味有三乘夢覺黃梁熟愁多白髮增濠梁思渺冥
河朔興飛騰剪韭從蔬圃分畦問稻塍新篳鉅面
酒旋買擔頭冰世事驚翻覆家門感廢興敢希莊
士賞難免富兒憎高枕容衰謝端居避鬱蒸青奴
聊可共留取伴昏燈

伏日卽事

宗洙

蕭齋恰對雨瀟瀟向午新晴興轉饒捲幔閒看
爐篆裊巡檐靜聽鳥聲嬌只愁花草荒三徑且
樂琴書共一寮最是晚來明月上良朋過我不

須招

伏日卽事

李元豐

約亭

紅巾新蹙石榴花
檻外輕飛燕子斜
獨坐空齋無个事
熏風吹入碧窻紗

焚香煮茗日長時
午倦閒翻杜老詩
得意歌吟三五句
和予好鳥語高枝

孤岐咏古四首同素心詩社諸子作

鷺鷥泉

莫向滄浪問濯纓
出山那比在山清
愛他噴玉琤琤處
疑是當年鷺鷥鳴

太虛岩

一片烟巒勢接聯太虛岩畔聽潺湲記曾買得狐

岐石

狐岐山石人每買置爲園林清玩

常被入啜米老顛

三聖祠

祀堯舜禹

輜轡往蹟足低徊幾度登臨記把杯寄語山靈莫
相笑白頭扶杖會重來

商山坡

謾謾松風向晚多商山坡上又經過紫芝採得成
何用難挽三河東逝波

感事

息機久已謝羣公白眼何勞到病翁
髮笑衝冠渾似雪氣慚倚劍尙成虹
炎涼態易分軒輕車笠盟難保
始終從此杜門堅避客杖頭休計酒錢空

玉簪花

得花字

爲約亭作

筠廊莎砌綠杈枒占斷新秋是此花色相全空冰
作骨參差漸展玉無瑕含香常傍佳人鬢墮地還
思阿母家却笑曉風殘月下渚蓮無數鬥天斜

玉簪花

元豐

新秋景物倍清華開遍牆陰淡淡花
白燕釵飛原是幻藍田玉種本無瑕
幽香暗逗微風裊素

影輕敲細雨斜最是蘚堦苔砌下幾回把酒賞
仙葩

映日荷花別樣紅

得紅字

爲鳬山賦

湖光蕩漾日曛曛萬柄新荷映碧空薄暈朱顏寧
藉雨晴烘霞彩欲迎風葢擎孫壽眉邊翠花簇文
君臉際紅何似採蓮諸女伴別饒靚影綠波中

題草蟲扇二首

草根苔砌聽偏傾吟苦誰憐太瘦生他日更教籠
蟋蟀一般幽韻和淒清

幾番尋覓走兒童蜚語蟬吟鬥晚風今日扇頭頻

指點不教聒聒惱衰翁

祝高如山叅戎

文良家世劇難酌

謂尚書公也

三十登壇愜壯遊雄略

舊曾傳鄂渚

君前任楚中

英名今更壓并州南樓老子

飛觴日鐵笛仙人嘯樹秋最是懸弧逢此日好從

賓從話封侯

中秋送楊馥菴之任鄖陽

玉露金風景物妍送君恰值兔華圓壯遊遙紀三

千里小別俄驚十四年

余於己亥與君別於都門

王李才名推

粉署劉崔政績紀蒲鞭他時問俗紅巖路應有歌

謠五袴傳

中秋壽蕙圃先生五十追錄丙午舊作

雲外天香滿欣添海屋籌數纔盈大衍節正屆中秋
衡賦家聲舊蘊年德業優稱觴須盡醉莫負月
當頭

癸丑六十初度二首

并序

黃粱夢幻念往事而驚心白髮秋深悵年華於
彈指懽悰漸減廣絕交書惡緒頻來續齊物論
豈桑榆之已迫尙藉人知亦松菊之猶存惟堪
自貶云爾

漫傷先世少高年

放翁家世少高年查初白句也

此日聊吟自壽

篇小種菊松元亮宅亂堆書畫米家船葛巾可漉
誰同醉石丈堪呼客笑顛喜說杖鄉還杖國一杯
相對且陶然

駒隙空驚六十年白頭何事不悽然身閒翻覺書
爲累性僻難同俗作緣話到酒罍頻感舊看來棋
局慣爭先祇應結習休捐棄或有詩名異日傳

壽容叅先生六十

元豐

笑傲吟壇六十年元和體格劇堪傳陶籬菊共
人爭潔鄭架書多手自編素志雲霄輕燕雀終

卷之三
三
帷風雨重汾綿卽今載酒問奇字幾輩彭宣到
壽筵

張敦培

厚田

襟懷磊落性脩閒白首沉酣典籍間犀照燃來
明似鏡龍門登處峻如山詩章直欲追王孟書
法真堪匹褚顏恰喜六旬還矍鑠好緣問字叩
松關

宗洙

六甲初週紀壽徵稱觴競許祝升恒情如愛菊
陶元亮語欲驚人杜少陵鄴架多奇欣獨賞龍

門有路望同登只今驥尾愁空附擬和陽春愧

未能

先生有
自壽詩

閻中秀 升三

花甲初週壽域開雲亭人共引深杯松筠滿徑

心俱勵桃李盈堦手自栽

廿年來邑中詩人多
奉夫子爲師資

兩漢文章承既往三唐詩律詔將來只慚杖履

追隨處欲頌岡陵乏麗才

觀象行

并序

皇上御極之五十八年癸丑西域貢象道出介邑

觀者雲集肩摩踵接車馬填溢塵氛蔽天閭闔

之庶盛固不待言而

聖天子威德所被亦可云無遠弗届矣敬爲長句

紀之

聖朝威德邁古皇百蠻萬國皆來王古里獅子荷

蘭馬久已歌咏誇篇章

康熙中古里國曾進獅子荷蘭國進千里馬詞臣毛

奇齡中書葉舒崇並有詩紀事

近者西極復貢象由蜀及隴勞梯

航間關道出汾水上一時觀者如堵墻鈿車百輛

馬千騎黃童白叟走且僵詭貌魑形得未有舟行

堤卧何昂藏憶昔帝城三伏始玉河洗處波汪洋

我時少年盛意氣曾窺虎圈兼鷹坊詎料倏忽

三十載白頭彈指驚星霜故人更無何載在前遊
直欲迷滄桑誰令此日重相覲杖履且喜非殊鄉
我聞此獸渡河皈淨域上應列宿稱瑤光乾陀之
國身毒地干戈往往依疆場只今恰逢堯舜日獲
隨重譯朝 天闔含元仗下看馴擾鸞旗寶輦偕
趨踰愼無空靡三品料焚身以齒羞鵠行右相丹
青圖王會史臣執筆紀職方 天家固不貴異物
率舞亦足懷遐荒

如山叅戎踏雪過南村園有詩見示賦此
却寄

南村幾度阻幽尋

曉園前招賞菊
余以事未赴

彈指空驚歲月

侵郭外雲山皆黯淡雪中梅竹儘蕭森
遣愁有計還耽飲却病無方且廢吟
輸與風流羊叔子衝寒小隊到園林

輓蕙圃先生二首

蕙圃之歿予哭以詩及其
葬也復賦詩二首輓

之以誌知
已之感

孟筍江魚田氏荆憑誰載筆紀平生
苦心自有萱堂鑒不藉旁人表令名

凍木寒烟淡夕曛携將絮酒弔新墳
只憐一掬嗣宗淚洒向空山又哭君

蠟梅二首同亨占諸子作

疎影橫斜近臘開
佳名猶許襲江梅
漫言嚼蠟渾無味
早有寒香撲鼻來

蜜脾幾許綴蜂房
肯讓東風第一香
却笑來從眞蠟國
詞人爭說漢宮妝

水仙花二首和厚田

亭亭纖影欲凌波
銅洗瓷罍藝孰多
最是花南與硯北
更無人處弔湘娥

玉骨冰肌試早春
黃簾綠幕正橫陳
那知白髮支離叟
絕少心情賦洛神

歲暮卽事同亨占諸子作

墜戶有未能歲暮人事積一杯聊辟寒百慮暫消
釋嗜好與俗殊老猶耽典籍短檠坐悄然起視霜
月白堦前竹影橫屋角梅花坼比隣臘鼓鳴風光
逼除夕

竹林王公崇祀孝義詩

王靈石人工書
法追錄舊作

光昭祀典著清譽積善眞看慶有餘叢竹只今生
孟笋淵泉自昔湧江魚非關市義纔焚券尙憶臨
池爲學書見說石膏山下路高風爭仰鄭公廬

題蔣荅生太史傳奇六首

四載南冠頸血新淋漓大筆爲傳神司農笏與常

山舌更羨同時有兩人

謂傅忠毅公也

月黑烏金慘碧磷一門氣節仰磷峒裙釵且有捐
軀志厠養都爲死義人

記取滄桑劫後身死生大節並能伸應憐一事公
差慰不少西臺慟哭人

正氣歌成泣鬼神閨中更得墨花新他年列女憑

誰傳好載清心玉映人

桂林霜

捐生樵舍事依稀古墓何從問是非僥倖韓陵一

片石夕陽江上弔婁妃

一片石

豚柵鷄栖一掃空重將碑碣護幽官表貞却喜多
同調不獨鉛山太史公 第二碑

容齋詩集卷二十四

綿上茹綸常文靜

可閒老人集

人生天地間惟閒爲最難以境遇論貧賤者
不能閒而富貴者宜若可閒矣而吾見其酌
應之紛紜卒無異於飢寒之促迫以人品論
不肖者不能閒而賢智者宜若可閒矣而吾
見其幹功立業之勤劬卒無異於媒利梯榮
之狡競以年齒論少壯者不能閒而遲暮者
宜若可閒矣而吾見其龐眉鰥背之憂思卒

無異於腦滿腸肥之馳騫予何人斯敢以閒
自詡哉然不曰得閒而曰可閒則亦姑爲是
言聊以希企焉而未敢必其能與否也蓋粗
解臨池稍工諛墓爲書傭爲文字傭日從事
於敗毫枯墨疲精於蠶簡塵編以視夫微逐
於聲色貨利之場者雖志趣不侔而其不能
閒則固無以異也又何待不知我者之反唇
相譏而始引以自愧乎

甲寅元日書懷

時年六十一

眼前兒女接懽筵醉把屠蘇一慨然新咏續編了

卯集浮生重值甲寅年不無狂論驚流俗空有虛
懷待後賢人世只憐心悄悄解嘲寧詡腹便便羞
彈客舍馮驩鍊梅着名場祖逖鞭獨喜梅花同老
輩更番桃李任爭妍

元夜

鰲山人海影交加夾道星毬夜景賒幾處金樽傾
竹葉誰家玉笛落梅花鈿車過去香塵沸寶騎歸
來皓月斜獨有白頭情思減踏歌聲裏感年華

上巳簡曉園

花又芳菲柳又新韶光轉眼又深春老來却笑無

豪興翰與南邨襖飲人

題袁簡齋太史小倉山集二首

龍門當代許誰倫喜見元和體格新彭澤歸休從
種菊樊川惆悵爲尋春揮毫珠玉三千首寄跡烟
霞八十身休向木天懷往事如公方是謫仙人

力挽頽波本性情文章吏治與科名摩天巨刃干
人廢揮塵高談四座傾海內曹劉多後輩閩中鮑

謝半門生

江左詩媛多
出先生門下

白頭我獨慚株守悔不從

遊向石城

雨中卽事二首

愛聽芭蕉滴瀝聲短檐飛瀑復爭鳴林深但有鳩
呼雨屋漏曾無鵲噪晴出水渚蓮紅淡漠連村隄
柳綠輕盈底須更作蓬牕夢始向滄浪間濯纓
空濛水氣欲憑城潄暑全消枕簟清深院雨滋苔
蘚色小池風亂芰荷聲詩緣祛俗須頻改酒爲澆
愁且屢傾莫向泥途輕曳履烟波久已負鷗盟

大雨不止山水暴漲近河村落恐罹水患

悵然賦此

倒瀉天河作雨聲九衢溝澮一時盈村墟人抱爲
魚懼龍畝農懷望歲情潦積蓬蒿看驟長泥深蛙

龍聽爭鳴陸雲空有愁霖賦難就豐隆乞快晴

山水暴漲村墟沮洳間有死傷賦此寄慨
屢月方憂旱旬來暑雨多田間成巨浸人命付驚
波蒿目天難問傳聞信易訛監門誰鄭俠圖繪定
如何

自訟

人察則無徒水清則無魚和光與同塵斯理固非
誣顧我有未逮自謂古之愚平生被口語誰能逃
毀譽欣窺文藝苑慚踵奔競途咎緣入俗積才因
應世疎老方思佩韋故態嗤狂奴何當謝塵事時

簪架上書園棋謝傳墅種菊陶公廬庶幾東隅失
藉以收桑榆

題隨園詩話

怪底諄諄說性靈有才如海眼偏青千秋騷雅歸

題品一代風華足典型織錦圖傳蘇蕙句

詩話採名媛詩

句甚夥問奇人仰子雲亭期公老健操班管續補遺

編到百齡

詩話後又有補遺數卷

白海棠爲友人屬賦次韻

素色天然遠市門露滋苔浸綠盈盆斷腸點點鮫
人淚顧影亭亭倩女魂合浦月明珠散采瑤臺秋

淨玉無痕最憐冰雪同皎潔獨照空堦夜不昏

趙忠毅公鐵如意歌

三君嶽嶽世所推

公與鄒公元標顧公憲成海內擬之三君

尙書遣戍

尤堪悲何年鑄茲鍊如意扼腕想見摩挲時摩挲

相對感慨係彷彿長虹饒劍氣銘詞奇倔鬼神驚

斗宿森芒魑魅畏茄花委鬼何披猖惟公同此百

鍊剛擊奸未獲鋤崔魏

魏謂廣徵

招魂應許懷左楊憶

昨荷戈來謫籍鸞雛乃並遭賜赫

謂公子清衛

金鷄詔

已放流人雁門關未還遷客勁節空留青史名東

林人去獨含情龍門一代尊元禮楚澤千秋弔屈

平迄今見者生遙羨七星五嶽目爲眩幾經劫火
與風輪不使星移物俱換等閒折角詎堪倫三百
年來手澤新莫向西臺輕擊碎祭忠慟哭更無人

中秋雨中漫成

清宵絃管若爲酌斗酒還堪與婦謀但道浮雲能
蔽日那知淫雨又經秋麻沙醉眼搖紅燭浪蕩吟
懷感白頭寄語禹門魚貫侶桂枝須向月中求

時序

占諸子方
試省闈

雨雹

大芋高荷一霎殘如雲秋稼更堪嘆呼兒撿得如

拳電扶杖堦頭制淚看

南村園看菊二首

把酒東籬感歲華
幾人倚醉按紅牙
白頭却笑無豪興
不愛聽歌愛看花

廿載龍山高會頻
黃花更見一番新
憑君莫問當時事
只剩龍鍾落帽人

重修元遺山先生墓碑詩二首

并序

忻州爲遺山先生之故里
韓巖村墟其埋骨處也
人代遞遷漸卽湮廢
頽垣斷碣縱橫荆棘間
州牧汪讓庭使君過而憫焉
捐俸修葺重加封

樹並爲文勒石記其顛末一時都人士咸歌咏
其事常昔爲部民甘棠在念今雖道途遙阻而
聞之實深傾慕爰賦七言近體二章用以景仰
前賢頌稱高誼詩之工拙固所弗計云

韓巖遺塚半摧頽往事金源剩劫灰野史亭從增
感慨讀書山尙仰崔嵬行吟已極騷人怨啼血空
聞杜宇哀賴有殘碑猶在望年年風雨長蒼苔

憑誰封樹表殷懃高誼真堪頌使君底用南冠存

記錄

先生家乘
久已失傳

合教正學唱河汾

河汾諸老詩序
者以爲實自先

生唱

辨香漫擬招魂賦選石重鐫弔古文從此凌

雲臺畔路椒漿爭酹五花墳

元墓土人呼爲五花墳

歲云暮矣病榻消寒卽事書懷語無倫次

率成八章

塞向從高卧經旬少客過淒風摧徑竹斜日下庭
柯歲暮歡情減宵長噩夢多扶頭樽酒在好博醉
顏酡

僻性耽文史頻携枕上看老愁書字小病怯被池
寒耿耿殘年思寥寥永夜嘆每嘆人意惠語勸
加餐

翁老年週甲兒生歲在寅只應稱虎子

余與兒同甲寅生

敢謂是天麟

自詩此郎瑞
忍是天麟

他日能持役何時得負

薪并璋休更賀恐有錯書人

最愛忻州牧荒墳表昔賢

汪讓庭使君以重修
遺山先生墓碑相寄

風勞驛使秋水促魚箋

使君自春及秋屢
札存問及索報書

高誼今

時少甘棠舊治傳

公昔宰
介邑

比來知更健且莫賦歸

田

欲於明
歲致仕

惜別情難已懷人酒易醺三句忻聚首廿載感離

羣

素堂自服官以及
寓居都門已廿載

客舍冰霜重征途雨雪紛家

聲推孝友竟得

九重聞

時以太翁及太夫人
旌表崇祀事歸額請大

憲已得
桑翹

臘味餘新釀行看斗柄回風情墻外柳雪意檻前
梅涉世相如慢窮途阮籍哀正憐豪氣盡獨坐書
爐灰

飛霰連朝暮風光逼歲除酒懷還磊落春信尙舒
徐名梅雕蟲著才慚入俗疎嵇康原自懶莫問絕
交書

寂寞山陰棹蕭齋倚瘦藤手皸思向火衣凍欲生
凌遽負黃金盡衰遲白髮增他時驢背上詩興或
堪乘

袁簡齋太史以八十自壽詩屬和爰賦八

首遙寄

壽域行將九袞開
龍門鶴算兩崔嵬
名花幾許歸

金谷妙選都教續
玉臺

謂隨園詩話

遠道客先修禊集

公誕爲三月二日

長年人共謫仙
猜知公事事皆難及不

獨陳思八斗才

綺歲清華記日邊
牽絲又奉板輿還

公以翰林出宰江寧旋以

終養告歸

一篇愛讀閒居賦
二頃兼營負郭田
白下江

山時寄慨秦淮花柳自生憐
楊枝未遣崔兒長此

事分明勝樂天

漫嫌仙果子生遲
介壽筵前看結褵

公子卽卜於公誕日娶婦

咏絮才人多著籍

江左才媛多公門下

宜家新婦並能詩

婦子

能詩

摩挲金石情偏樂管領煙霞福最奇
恰喜八句

猶矍鑠好操班管到期願

憑他紅袖展烏絲擬賦閒情又一時
鴻案高風德

耀在鳩車往事女嬃知

公姊年八十六公詩更喜女嬃還健在白頭閒坐說

兒時蓬瀛早覺遊仙夢朝野新傳自壽詩
見說小星

三五粲不曾嫌老換蛾眉

三嫌老醜換蛾眉白傳句也公詩有白髮妝成

三女粲之句謂諸姬也故戲及之

但解尋歡不買愁天台越嶠幾勾留
最難元老能

青眼

謂尹文端公

翻恨高賢易白頭仙佛總於詩位置

蔣心餘太史每推公爲詩佛而琴樽常共客夷猶
自以爲詩仙公門人有詩佛歌
休將狂論輕題品要是人間第一流

文章聲望許誰同藉甚倉山鶴髮翁迭主敦槃惟

制府

公聲望與畢秋帆制府相埒時有弇山制府倉山叟海內龍門兩扇閒之句

並登

科第有元公

阿廣延公相與公同榜

安耕鑿際休明日本性

情維正始風五十年前朝籍在徵書未可比盧鴻

隨園也作畫圖看邁軸天教歲月寬長慶詩篇傳

海外

高麗使臣每購公詩集

少陵賓客駐江干

凡名卿韻士過白下者無

不過訪

耐寒難老梅千樹辟暑長青竹萬竿更羨

郇厨饒食譜

公著有食譜

底須隨例勸加餐

尺素因風再寄聲

昨歲曾寄公詩札

秣陵遙望獨含情姚

黃花定誇千朶鄴架書應擁百城清夜懷人梁月

滿泰階應瑞壽星明

時

聖壽八旬有五海內登上壽者甚衆而儒林藝苑

應首推公爲人瑞

却嗤六十過頭老翻向先生詔後生

八十自壽

袁枚簡齋

自笑將開九袞筵挽詩翻在壽詩先剛修禊事

傾三雅再宴瓊林欠四年瀟灑一生無我相逢

迎到處有人緣桑榆晚景休嫌少日落紅霞尚

滿天

白雲深處白鳬翁尚記髫年入泮宮賈誼登朝

裁弱冠趙元叉手揖三公金蓮花燭家家羨南
國甘棠樹樹紅一旦慈烏思反哺搖鞭不待管
絃終

買得青山號小倉一邱一壑自平章梅花繞屋
香成海修竹排雲綠過牆嵌壁玻璃添世界張
燈星斗落池塘上公誤聽園林好來書盧鴻舊

草堂

甲辰春
齊公相遣人來書隨園圖

聖駕南巡和致

卅載承歡鬢已星萊衣舞罷此身輕千重越嶺

看花去兩度天台采藥行倭國都來購詩稿

高麗

使臣李承熏
洪大業等

佳人相約拜先生

孫雲鳳張
玉珍諸人

九州

不信吾還在總說陽休古姓名

甲乙丹黃萬卷餘兒孫珍重好家居但看手澤
應思我莫爲科名始讀書平子四愁原了却蕭
琛三好也捐除此翁事事安排定生豕營成傍
草廬

欲爲遲郎賦感婚卽將此日卜良辰蟠桃會上

看新婦玉鏡臺邊視大椿白髮妝成三女粲

陸金

鍾三姬好風吹滿一家春書梁乳燕雙飛處添

箇堂前問字人

阿遲婦全寶能詩

一枕黃梁夢太長憑人喚醒又何妨烟雲起滅

山還在桃李榮枯松自蒼不解臯盧呼彥道愛
藏金石學歐陽竇公他日西河召擬獻周官樂
幾章

逢花逢月客誰招碩果晨星逐漸凋嘆逝陸機
常感慨耽遊列子且逍遙牡丹艷艷開三月

聖世看看歷四朝倘把光陰掄指算占人多少
可憐宵

閨中妻老尙齊眉冷暖常先侍者知同榜一人

惟首相

阿廣庭
公相

及門五代見孫枝

談羽儀
郎中家

詩多

幸賴休官早累少全虧得子遲更喜女嬭還健

在白頭閒坐說兒時

陸氏姊八十六歲

尚書小楷尚登樓滴露研朱事未休清福已經
消半世虛名遑敢望千秋貧能行樂仙應妬老
不逃禪佛亦愁莫把八旬容易看萬人中有一

人不

李時珍云壽最難得七十者千人中一人八十者萬人中一人

春日感懷

檢點浮生事支離有病身黃楊偏厄閨白髮亦傷
春到耳禽聲換侵堦草色新柴門隨意閉相過斷
無人

寄郭文聲

西河一去已兼旬
杏靨桃腮次第新
莫向閨中傳錦字
春愁恐惹玉樓人

梁鳬山招遊狐岐山
余以事不克赴賦此
寄之

清遊喜趁麥秋寒
想見登臨盡日閒
古寺尋詩宜載酒
危樓拄笏好看山
松陰漠漠泉聲沸
草色茸茸石蘚斑
曾是昔年觴咏地
老憐無分得追攀

乙卯槐黃士子率赴省會
觸目感懷遂爾有作
不必示就試諸君也

席帽羸車滿路衢
秋來風景暑新徂
月宮芳馥榮

丹桂鎖院淒清冷碧梧脫穎不知更誰是畫眉好
問入時無兩行號舍三條燭我亦曾慚學濫竽

中秋

喜值澄宵兔魄圓清光萬里浩無邊翻嫌入夜多
風露漫惜當筵少管絃聽去哀鴻雲外急看來丹
桂月中妍憑誰與問南樓興幾度停杯思惘然

戲爲侯硯農賦

并序

乙卯長至日過侯硯農齋中恰約亭見山携客
至索觀所藏宋搨閣帖及孟津青主書畫頗有
客色強而後可蓋恐或致污損也而盡出其青

田壽山昌化諸印章駢羅几席間余戲之曰舊
時有靈石王氏寓都門者嘗以重貲購凍石甚
夥人呼爲石頭王今子所蓄若此雖小遜於彼
然亦當不失爲石頭侯矣座客皆絕倒因述戲
語成截句二首不足言詩也

添線佳晨喜客過屏除寒具意差苛元章書畫奇
章石至竟何人癖最多

篋中什襲袖中藏幾度摩挲費較量詎是老人輕
戲謔知君品亞石頭王

冰向硯池生

得寒字兒輩應童子試題也
見獵心喜遂一爲之

然予不工此體恐亦
不足爲後生楷模耳

北陸藏冰候蕭齋正
匝寒硯池看乍結墨
瀋試初殘拂拭情寧
已霑濡意未安憑空
雲葉湧向曉雪花團
翳肯留塵匣清堪映
玉盤一泐生晃朗數
滴失沆瀾炙火愁龍
尾韜鋒惜兔翰陽和
看倏轉解凍自非難

容齋詩集卷二十五

綿上茹綸常文靜

紀恩集

乾隆乙卯冬

詔於嘉慶元年正月再舉耆筮如庚戌

八旬萬壽時職官六十以上軍民七十以上皆許

入宴

常

年逾花甲欣逢盛典因卽於臘月中

旬束裝兼程北上雖冰雪嚴寒輪蹄困頓而

精力翻覺差勝於平時蓋思切瞻雲情殷捧

日志爲氣帥有不期然而然者矣宴後按官

階賞賚逾於常格

聖恩高厚銜感靡涯爰有篇什曰紀 恩集而都

中酌應道途往返暨歸家自春迄夏諸詩悉

附焉

臘月十三日將之都門示諸同志

可閒老人不得閒

六句後自號可閒老人

垂老驅車向幽燕

幽燕舊是曾遊地上國觀光猶能記明歲

恩詔舉耆筵四皓八公爭朝天小臣恰幸年已及

千里長途思跋涉輕裝有似打包僧不愁筋力衰

難勝井陘之山滹沱水誰信壯心猶未已維時歲

暮臘鼓鳴極天冰雪殊崢嶸塔下僮僕色惆悵
前兒女詞丁寧或方慙慙或見阻欲行未行成猶豫
無何決計在一朝豁然大笑出門去門外老樹
風怒號北山猿鶴同譏嘲長亭有酒且斟酌驛路
梅花纔破萼明春春好好歸來爲君話取黃金臺

旅店題壁

臘鼓聲中感歲華白頭何事又征車敝裘自怯冰
霜重落日還愁道路賒山店禦寒惟魯酒故園入
夢有梅花却嗤醉後饒吟興疥壁留題凍墨斜

定州旅宿感舊

豈是囊無賣笑金
前塵如夢渺難尋
如何白髮龍鍾日
翻向章臺續舊吟

莫怨曾無一笑緣
不關情處亦悽然
美人黃土憑誰問
瞥眼空驚四十年

小除日題素堂主人新居

奴星十輩逐柴車
好趁新春又卜居

時已立春底事頻

君頻撿點景山酒
器鄴侯書

幾番譙飲接餘歡
餞臘迎年正未閒
却愛老人棲息處
數叢疎竹一房山

耆筮

恩詩四首

有序

嘉慶元年丙辰孟春四日

大上皇帝駕過寧壽宮

御皇極殿宴羣臣六十以上軍民七十以上者賞

賚有差

凡有執掌大臣悉於是日領賞常草其餘俱排日向體仁閣下頒賜

野小臣年當國養之期階從大夫之後欣逢
曠典獲預耆筵爰敬賦七言近體四章雖葵
向芹將無由自達而窺測高深頌揚萬一亦
紀一時之盛云

鳩杖蒲輪滿

帝畿耆筵再舉祝 繁禧

軒圖元歲重熙日

壽字

宸曦復旦時
黼黻太平占
有象
賡歌至治羨
無爲
小臣自愧來田里
只獻康衢擊壤詩

鞭聲初寂
肅駕行
曙色瞳矐
喜對揚殿外
微聞
天樂奏
螭頭遙送

御鑪香襲
龍密勿多
宵宿
褒鄂功
勲盡
壽康
僥倖
期頤台背叟

九重親賜紫霞觴
宴時
召見九十七歲及百
歲外者二人親賜以酒

省醴瑤階有近臣
幾多賞
賚出司珍
杖誇方竹靈

藤異

詩仰卿雲

賞賜諸物皆隨品級有等差惟詩與杖則職官一體思賜

御藻新民爵豈惟賜一級

音民皆賜頂帶百歲外有賜至六品者

帝齡應白紀千春只憐暄負葵傾意未獲隨風達

紫宸

聖德如天四海聞

耄期豈遂倦於勤

宵衣旰食憂民切鑿齒雕題慕化殷星見老人堪

紀瑞春回草木盡含欣

金門倘有重來約

九袞籌添祝

放勲

皇極殿千叟宴值雪卽事恭紀二首

魚鑰重門啟

龍樓彩仗排大酺千叟集廣樂九賓偕復旦符輿

望占年洽

睿懷欣同王給事

宴時恰與故人卜崖給諫接席

拜舞向

堯階

陽春開麗景瑞雪洽霏微

上苑梅初落長空絮乍飛同雲瞻

黼座湛露點朝衣更是容臣朔公然割肉歸宴中食物
許諸臣携取時有懷肉歸者

春寒甚劇客邸無聊卽事口占奉簡素堂
先生以博一粲

風作廻旋雪作團獸鑪無焰劇生寒
翰君小示維摩病時素堂患嗽未愈尙擁唐花次第看

穀日夜雪初霽大風寒甚容參先生以詩
見示次韻奉和
何元煊硯農

垂簾端合煮龍團雪挾春風送晚寒
滿室唐花一詞客主人應作畫圖看

次和容參先生

何道生 蘭士

玉戲中宵雜露團
天公作意鬥春寒
料應北地花無信
特賜璫璫六出看

何硯農農部蘭士水部昆仲和韻見寄用
前韻奉荅

珠玉連篇羨二難
幾回吟傍短檠寒
應知東閣梅花好
更有新詩借客看

上元前二日張尊五世講招飲卽事二首

老向春明又滯淹
一時殘席漫相參
無端料峭寒風劇
未欲同人捉麈談

時余患嗽甚
移席遠客

倚玉何曾共客耽塗鴉已罷韻重拈獨嘆病骨支

離叟酒盞煩君數數添

時主人以長箋索書侍酒者玉官意甚勤

丙辰上元後六日劉竹軒侍郎偕山右宦

京邸諸公預十叟宴者敦桑梓誼醺貲招

飲同鄉人宴紳士耆老一時車馬雲集衣

冠雨湊選勝徵歌誠盛舉也余幸叨末座

爰賦五言近體二首奉謝卽以留別

庶老同高會諸公盡達尊九衢冠蓋集三晉典型

存迭奏陽春曲爭誇湛露恩

時正頒耆年軍民賞賜

歸田誰

著錄盛事記都門

老作春明客前遊半渺茫年深思舊雨誼重感同鄉
惜別情差劇哦詩興轉狂廣寧門外柳相待促
歸裝

仲春二日於

太和殿體仁閣下頒賜五品職官常得十三種紀
恩六首

詩

欣覩

卿雲制欽承得拜颺

海天恩浩蕩

星日語輝煌直以參風雅寧惟邁漢唐傳家嚴奉

守世世荷

龍光

杖

最愛過頭杖承

恩愜素期珍應同楷木品詎亞桃枝扶老名偏稱
雕鳩製最宜他時相伴出看煞路傍兒

如意

如意名稱舊新頒出

禁幃伐將檀藉質綴並玉生輝

檀體玉鏤

麈尾同携執

天花任指揮寄言殷羨輩折角漫相譏

錦紵

共八端而內中純錦尤艷異爲外間所未見與大內物也

東紡看重疊黃封次第呈擎偏官錦重展覺

御香盈異彩從人羨

殊恩轉自驚剪裁頻鄭重春服遠須成

綈絳

珍賜從

天府朱纓啟匣看他時須耀首此日可彈冠體製

殊黎庶威儀稱宰官何如曼胡士翹鶚奉

宸懽

荷苞

巨細榮

君賜雙荷借客窺

尹文端公詩聊將雜佩托雙荷

女紅誇內造花

樣取時宜漫比銀魚貴還同雜佩垂只慚踵華飾

不稱白鬚髭

都門留別

幾番歌席接離筵潦倒情懷更黯然楊柳堪攀人

去日杏花纔放燕來天重聯舊雨知前定

謂墨園太僕卜

崖給諫可之

晚結新盟感夙緣

謂竹軒侍郎夢芸吏部雙溪翰林暨

秋部諸公

為憶鳳城多盛事匆匆可悔着歸

鞭

臨岐莫厭酒頻傾客舍憑誰唱渭城惜別每繁遊

子思挽留重見故人情

謂素堂太守

沿途霽色多芳草

轉樹嚶聲有早鶯最是計程千里近到家猶喜及

清明

保定道中

郎山雲氣曉瀟瀟漫回首修門興轉闌人到六旬餘
已老春將二月半猶寒綠楊鄰近雞爭鳴紅杏墻
欽客乍看底事輪蹄頻阻滯高陽城下雪初殘

真定道中二首

不耐長途雪與風客愁鄉思惱衰翁今朝渡得滹
沱水翻有敲詩興未窮

白頭人盡說呼嵩物色征行自不同明日土門
關上望帝城縹緲五雲中

井陘道中

百尺雄關峻盤空一徑斜輪蹄方雜踏雨雪忽交
加地確春耕少邨荒客店餘燭他今夜夢越險莫
還家

春寒甚劇旅夢初回聞估客擁伎懽笑聲
遂不成寐率爾有作

峭寒孤枕夢無聊誰把琵琶慰寂寥却笑心中還有伎聽他笑語到深宵

橋頭村阻雪

雰雰玉戲最多情挽住征人不放行此事分明難解說歸偏濡滯去兼程

山行值霧

輾轆車聲出坎難四山雲霧更漫漫不堪閉置如新婦著得重裘尙畏寒

平水又雪

淡黃楊柳墮前村漠漠同雲四野昏記取壽陽山

下路一天風雪滯征轅

壽陽道中得兒子景呂入泮信口占志喜
鄉語傳來思不禁父饒白髮子青衿車鈴馬鐸增
歸興岸柳山桃供客吟累葉詩書家學遠百年兩
露國恩深今宵誰共村醪醉看取燈花報好音
祁縣道中

春雪消難盡風光麥隴蘼平生多蹇滯不敢怨泥
塗

自都門歸值兒子景呂遊庠賀客紛紜而
江寧袁簡齋太史與新安友人呂寸田詩

札同時寄至四座傳觀交贊爰賦絕句五

首志喜紀事

老叨

恩宴堪稱叟

宴後都中諸公皆相率以叟稱余亦自號漫叟小擢

芹香可譽兒更喜兩家芳訊至隨園書札寸田詩

三都皇甫序堪誇

寸田詩有太史序

此事推袁號作家何

處懷人兼望遠白門柳色洛陽花

鴻名眞許比陳遵同羨山林自在身底用高軒親

展止只憑尺牘已驚人

長筵開處酒初醺議論風生客意欣爭羨詩人皆

白首兩公眞足張吾軍

袁八十餘呂七十餘皆長於余

宮中久已呼才子白下今尤重寓公傳語青要山
下客好將詩寄大江東

張樸叟先生八旬壽讌詩九章并序

樸叟先生身歷四朝壽臻八袞耆英之社允
屬高流月旦之評洵推長德

龍章寵賁膺五花封鳩杖頒來登千叟宴詩堪祝
嘏分咏九如酒可延齡同稱三雅

如山

維山廣大崔嵬秀挺蔚然而深窅然以靜韞玉自
輝象艮時省育物不倦夷視塵境乃有仁人樂山

性秉有之似之慶餘福永

如阜

謂阜惟土厥土惟厚仰其高深羨其悠久充塞四
虛材木淵藪未謝嶽嶠大殊培塿配地資生以祝
黃耇福兮未艾亦應如阜

如岡

緬彼山脊其岡維何接天寥廓列岫嵯峨蘭生幽
谷芝產崇阿禽翔獸伏雲靄烟和天眷善人錫福
孔多以莫不興與岡同科

如陵

土山曰阜大阜曰陵卑視平行高擁峻嶒巖崖莽
莽碧巘層層布氣含澤莫與爭能猗歟我公謙德
著稱駟門之大于斯可徵

如川之方至

水性善下通流爲川泉之始達火之始燃連波汎
湍勢自無前莫之能禦詎等濺濺偶于觀水藉以
方人福旣如是壽亦宜然

如月之恒

粵茲朏月上弦就盈旣云側匿亦號長生居蟾顧
兔視桂觀蜺圓影漸復朗鑑繼橫三珥重輪樂世

客山詩集卷二十一
治平尙其如之旋吉履亨

如日之升

抑有旭日暘谷初升咸池浴次扶桑拂輿連石維
頓泉隅旣經人皆仰之清暉彌增張仲孝友祖武
堪繩爾昌爾熾百福是膺

如南山之壽

巖嵒高峙維南有山鍾靈毓秀更無崩騫閱人閱
世億萬斯年椿齡鶴算曾何足言愷悌君子庶幾
如焉以介眉壽稱觥肆筵

如松栢之茂

喬松蒼蒼古栢鬱鬱百木之長後凋爲節柯葉紛
繁平凌霜雪新舊相承青連翠結維其茂矣緬是
耆哲用貽燕翼更綿瓜瓞

初霽

霽色入斜陽頓生濛濛想宿雨延衆綠微風遞羣
響爲愛新栽竹空堦還獨往暫拋北牕涼小挹西
山爽冥情只自知幽景更誰賞歸來擁鼻吟清簾
恣偃仰詩成一再讀未覺舌本強遙思村落間水
雲增滉漾泛淥渚蓮開連青禾黍長倘有佳期遊
會當策藜杖

復雨

連朝雨溟濛四圍檐溜急
旬若天河傾海疑海水
立街衢溝澮盈堂坳泥潦集
枕簟厭徽蒸衣袂愁
霑濕氣懾報晴鴉踪潛弄芳蝶露重荷蓋歆苔深
松徑合我時聽雨眠翛然謝紛
還窻風引徐徐鑑
香燭浥浥亟傾竹葉杯漫試樓毛笠閒情理琴書
餘事問樵汲但恐久傷農底嫌暫病涉蒿目江漢
間何時洗兵甲

時湖北教
匪未靖

屋漏

人方憂漏天予更愁漏屋漏
天人所同漏屋予所

獨命僕移枕。函呼兒護書。籠總復勝漂。流安能免
跼蹙。乃知未淫雨。綢繆須自勗。

簡曉園

綠遍園林雨未晴。甘蕉修竹幾叢生。乞君移植閒
窻下。要聽瀟瀟打葉聲。

種竹

吾自愛吾廬。連宵雨霰霏。既滋舊種苔。更活新栽
竹。千畝未爲多數竿。亦已足藉之遠塵氛。且毋罹
暑酷。明年待凌雲。好爲此君祝。何可一日無聊以
伴幽獨。

樊城二首

跳梁小醜敢縱橫巨鎮東南一夕傾化厲鬼應能
殺賊承平人盡不知兵烽明樓櫓笳聲急血染郊
原草色頽聞道王師已西下揮戈佇看落櫓槍
鼓聲幾處煽妖氛白骨青磷慘陣雲豈有良民甘
作賊合教壯士樂從軍各地方多集鄉勇荆襄重地當唇
齒商洛訛言駭聽聞差喜師貞有韓范好馳露布
策殊勲

暑雨新霽卽事書懷二首

陰陰竹樹翠交加清簟疎簾興自賒門巷泥深無

過客池塘草長有鳴蛙閒吟初霽催詩雨小飲頻
呼醒酒茶更喜涼風堪辟暑支筇直到日西斜
墻陰難覓舊題詩檻外新看碧蘚滋三好已教捐
少壯百城聊復擁袞運欣逢湛露承

恩日歡記清歌接席時一事只今尙西笑塵汗屨
未障元規

奉和容參夫子新霽卽事二首

閻中秀 升三

庭槐分綠蔭憲紗爽氣涼生逸興賒竹亞晚風
敲碎玉荷擎宿雨試新花底須醉漉淵明酒且

可閒烹陸羽茶索句巡檐情未厭一鉤纖月已
西斜

幽齋晴色劇相宜擬折芳馨寄所思詎必文章
憎命達儘教世俗笑書癡遠山入戶心俱靜飛
鳥穿雲目與隨自是身閒能辟暑況吟白雪數
行詩

雨後晚眺

幾度凭高處周圍野色濃樹猶藏宿靄雲更作奇
峰落日頻搔首臨風獨倚筇低徊無限意遠寺已
聞鐘

夏日卽事

掘却牀頭引睡書
堦前花竹看扶疎
平生不解陶公術
也向盆池學種魚
榴蹙紅巾侑酒卮
雨餘苔蘚綠新滋
老夫別有關心處
正是村村打麥時